

古之所以貴此道者何也不曰求以得有罪以免邪故爲天下貴

又總上三節而言貴此道言萬物之與求以得言善人之實罪以免言不善人所保自古所以貴此道者何也豈不曰善人以此道爲人所寶得遂所求邪不善人以此道保其身免陷於罪邪道所以爲天下貴也天下釋萬物貴字釋與

右第五十三章

爲無爲事無事味無味

凡以無爲而爲者老氏宗旨也身行之事以無事爲事口食之味以無味爲味皆演爲無爲一句之旨

道藏輯要

道德真經註

李

心集十

圖難於其易爲大於其細天下難事必作於易天下大事必作於細

作起也所以得遂其無爲者能圖其難於易之時爲其大於細之時也天下之事始易而終難始細而終大終之難起於始之易終之大起於始之細故圖之爲之於其易細之始則其終可不至於難可馴至於大而不勞心勞力所以能無爲也若不早圖之急爲之於其始則其終也易者漸難細者不大心力俱困無爲其可得乎

其安易持其未兆易謀其脆易泮其微易散爲之於未有治之於未亂

此言圖之於其易

合抱之木生於毫末九層之臺起於累土千里之行始於足下

此言爲之於其細

夫輕諾必寡信多易必多難是以聖人猶難之故終無難

上言事之難易此言心之難易始焉輕易諾人者其終難於踐言則寡信矣始之多易者終必多難故不待至終難之時而心以爲難雖始易之時而心猶難之始終皆不敢易所以終無難

大小多少報怨以德是以聖人終不爲大故能成其大

上言事之大小此言心之大小雖已大而心常自小已多而

道藏輯要

道德真經註

圭

心集十
x〇〇〇

心常自少雖有怨當報然不自恃其大且多而急求伸直欲報其怨亦惟自處於小與少而甘受屈辱姑報以德也蓋始小而少之時心固不敢自以爲大即大而多之時則心亦不敢自以爲大始終皆能自小所以能成其大也

民之從事常於幾成而敗之慎終如始則無敗事矣

又承上文終無難與終不爲大二終字而言始雖以爲難至終而不以爲難始雖不敢以爲大至終而自以爲大則事幾成而敗於終者有矣故必慎終如始始以爲難而終亦以爲難始不爲大而終亦不爲大則終無敗事也

爲者敗之執者失之無爲故無敗無執故無失

又承上幾成而敗與無敗事二敗字而言有心於爲其事者
意欲求其成而或反敗之有心於執其物者意欲保其得而
或反失之無所爲則無成與敗矣無所執則無得與失矣
是以聖人欲不欲不貴難得之貨學不學復衆人之所過以輔
萬物之自然而不敢爲

上言爲者不若無爲執者不若無執此言聖人之欲以不欲
爲欲聖人之學以不學爲學難得之貨人所欲者不貴重之
是不欲人之所欲也故曰欲不欲衆人所趨者我則不趨衆
人掉臂過而不顧我則還反其處是不學人之所學也故曰
學不學凡此不欲不學者蓋以萬物之理無爲而自然故吾

道藏輯要

道德真經註

卷

心集十

亦無爲而與萬物同一自然如輔之於輪輻相依附而爲一
也章首言爲無爲章末言自然而不敢爲此一章之意相始
終

右第五十四章

古之善爲道者非以明民將以愚之

有所知爲明無所知爲愚古者聖人明己之德以明民德亦
欲民之愚者進於明而有所知也惟其愚而不能使之知非
不欲其明而固欲其愚也老子生於衰世見上古無爲而治
其民淳樸而無知後世有爲而治其民澆僞而有知善爲道
者化民爲淳樸非欲使之明但欲使之愚而已此憤世矯枉